



Jadual Pembacaan Khutbah Jumaat

Siri 4/ 2024 (APRIL 2024)

تاریخ	تاجوق	ب
5 April 2024M/ 25 Ramadhan 1445H	Kunci Menemukan Lailatul Qadar	1.
12 April 2024M/ 3 Syawal 1445H	Kemanisan Yang Semakin Tawar	2.
19 April 2024M/ 10 Syawal 1445H	Ziarah Satu Tuntutan	3.
26 April 2024M/ 17 Syawal 1445H	Syawal: Antara Kegembiraan dan Kepiluan.	4.
Khutbah Kedua		

دبیایای:



زكاة فولاو فینغ

دتریتکن:



جابتن حال إحوال اگام اسلام فولاو فینغ



***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. YBhg. Ustaz Muhammad Fadzil bin Alias**
Pengarah, Yayasan Dakwah Islamiyah (YADIM) Pulau Pinang
- 3. YBhg. Ustaz Ahmad bin Hashim**
Penasihat, Pusat Pengajian Tahfiz Al-Quran (PPTQ)
Kolej Islam Teknologi Antarabangsa Pulau Pinang (KITAB)
- 4. YBhg. Ustaz Subki bin Mohamed**
Mantan Pensyarah Kanan, IPG Kampus Tuanku Bainun
- 5. YBhg. Dr. Mohamad Zaki bin Hj Abdul Halim**
Penolong Mufti, Bahagian Fatwa,
Jabatan Mufti Negeri Negeri Pulau Pinang
- 6. YBhg. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 7. YBhg. Ustaz Ahmad Shahimi bin Senawi**
Pendakwah
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Ziarah: Satu Tuntutan

19 April 2024M/ 10 Syawal 1445H

الْحَمْدُ لِلَّهِ الْمَحْمُودِ عَلَى كُلِّ حَالٍ، وَنَعُوذُ بِاللَّهِ مِنْ حَالِ أَهْلِ الضَّلَالِ وَالْكَسَلِ.
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ الْكَبِيرُ الْمُتَعَالِ،
وَأَشْهَدُ أَنَّ سَيِّدَنَا وَنَبِيَّنَا مُحَمَّدًا عَبْدَهُ وَرَسُولَهُ، جَبَلَهُ رَبُّهُ عَلَى جَمِيلِ الْفِعَالِ،
وَكَرِيمِ الْخِصَالِ.
صَلَّى اللَّهُ وَسَلَّمْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ خَيْرِ صَحْبٍ وَآلٍ،
وَالتَّابِعِينَ وَمَنْ تَبِعَهُمْ بِإِحْسَانٍ إِلَى يَوْمِ الْمَالِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ! أَوْصِيَكُمْ وَإِيَّايَ بِتَقْوَى اللَّهِ، فَقَدْ فَازَ الْمُتَّقُونَ.

PARA TETAMU JUMAAT YANG DIKASIHI SEKALIAN,

Bertakwalah kepada Allah **سُبْحَانَهُ وَتَعَالَى** dengan sebenar-benar takwa, dengan mengamalkan seluruh ajaran Islam dan meninggalkan segala larangan-Nya, semoga kita tidak tergolong dalam kalangan orang-orang yang rugi di akhirat nanti.

Sebelum melanjutkan bicara, suka khatib memberi peringatan. Marilah kita tinggalkan perkara lagha yang bertentangan dengan sunnah serta adab, iaitu tindakan yang memesongkan perhatian daripada mendegar khutbah dan isi kandungannya. Ini termasuklah perbuatan berbual-bual, tidur dengan sengaja dan bermain telefon bimbit. Mimbar hari ini membicarakan khutbah bertajuk: **“Ziarah Satu Tuntutan.”**



SIDANG JEMAAH YANG DIRAHMATI ALLAH,

Ramadhan yang mulia sudah pun berlalu. Umat Islam merayakan Aidil Fitri sebagai tanda kemenangan menjalani ibadah puasa. Lazimnya di musim perayaan, ziarah menziarahi adalah amalan yang sering dilakukan oleh umat Islam.

Namun begitu, penghayatan terhadap amalan ini semakin pudar di kalangan segelintir umat Islam dengan pelbagai alasan yang remeh seperti malas atau lebih suka menonton televisyen di rumah. Kini hadir pula media sosial dalam kehidupan manusia.

Sesungguhnya amalan ziarah menziarahi amat disukai oleh Allah ﷻ kerana ia termasuk di dalam kebaikan dengan dijanjikan ganjaran yang besar. Sebuah hadis yang diriwayatkan daripada Abu Hurairah رضي الله عنه, Rasulullah صلى الله عليه وسلم bersabda:

مَنْ عَادَ مَرِيضًا أَوْ زَارَ أَخًا لَهُ فِي اللَّهِ، نَادَاهُ مُنَادٍ: بِأَنْ طِبْتَ، وَطَابَ مَمْشَاكَ،
وَتَبَوَّاتٍ مِنَ الْجَنَّةِ مَنْزِلًا

Maksudnya: “Sesiapa yang menziarahi orang sakit, ataupun menziarahi saudaranya kerana Allah maka berserulah penyeru di langit, engkau telah melakukan kebaikan dan baik sungguh perjalananmu itu dan engkau telah menduduki tempat di dalam syurga.” (Hadis Riwayat at-Tirmizi)

Justeru, setiap umat Islam diseru untuk memberi perhatian utama terhadap amalan mulia ini kerana ia memberi manfaat yang besar jika diamalkan.

SIDANG JEMAAH YANG DIRAHMATI ALLAH,

Amalan ziarah-menziarahi amat dituntut oleh Islam, apatah lagi di Aidil Fitri. Hari lebaran ini membuka ruang kepada kita untuk mengaplikasikan ajaran Islam mengenai konsep berkenal-kenalan dan mengeratkan silaturrahim.

Pada bulan Ramadhan umat Islam berusaha untuk menambah pahala amalan berpuasa, maka pada bulan Syawal amalan tersebut hendaklah diteruskan di samping menambah amalan ziarah-menziarahi. Adalah sesuatu yang amat menyedihkan sekiranya amalan ini tidak dibudayakan hanya dengan alasan terlalu sibuk dan tidak sempat untuk mengunjungi saudara mara dan rakan taulan.

Kita juga mendapati segolongan manusia, mampu melancong merata-rata, berbelanja mewah namun pada masa yang sama mengabaikan ahli keluarga atau sahabat yang sedang dalam kesusahan. Agak menyedihkan, ada juga yang meneruskan amalan ziarah tetapi datang hanya dengan jasad sebaliknya jiwa sepenuhnya melekat dengan gajet di tangan. Aktif di kumpulan-kumpulan *Whatsapp*, *Tik Tok* dan sebagainya namun sebaliknya kurang berkomunikasi sewaktu bersemuka.

Akibatnya, persaudaraan menjadi longgar dan silaturrahim tidak terjalin. Keluarga akan terdidik dengan sikap mementingkan diri sendiri dan tidak mempedulikan orang lain. Sekiranya perkara ini tidak dibendung, ia akan melahirkan bibit-bibit perpecahan sesama umat Islam pada hal Islam amat menggalakkan amalan berjemaah dan bersatu padu.

SIDANG JEMAAH YANG DIRAHMATI ALLAH,



Persaudaraan adalah satu nikmat besar yang dikurniakan oleh Allah kepada orang-orang beriman kerana ia mendorong kepada penyatuan umat dan mengelakkan perpecahan serta perselisihan. Sebagaimana firman Allah di dalam surah Ali Imran ayat 103:

وَأَعْتَصِمُوا بِحَبْلِ اللَّهِ جَمِيعًا وَلَا تَفَرَّقُوا وَاذْكُرُوا نِعْمَتَ اللَّهِ عَلَيْكُمْ إِذْ كُنْتُمْ أَعْدَاءً

فَأَلَّفَ بَيْنَ قُلُوبِكُمْ فَأَصْبَحْتُمْ بِنِعْمَتِهِ إِخْوَانًا ... ﴿١٠٣﴾

Maksudnya: “Dan berpegang teguhlah kamu semua pada tali Allah (agama Islam) dan janganlah kamu berpecah-belah. Dan ingatlah nikmat Allah kepada kamu ketika kamu bermusuhan (sesama jahiliah dahulu). Lalu Allah menyatukan hati kamu (sehingga kamu bersatu padu dengan nikmat Islam) maka menjadilah kamu dengan nikmatnya itu orang Islam yang bersaudara.”

Nikmat persaudaraan ini tidak boleh dijual beli dengan wang ringgit, harta mahupun kebendaan duniawi kerana ia adalah hak mutlak Allah yang dianugerah ke atas hamba-Nya. Sehubungan itu, Allah telah berfirman di dalam surah al Anfal ayat 63:

وَأَلَّفَ بَيْنَ قُلُوبِهِمْ لَوْ أَنْفَقْتَ مَا فِي الْأَرْضِ جَمِيعًا مَا أَلَّفْتَ بَيْنَ قُلُوبِهِمْ وَلَكِنَّ اللَّهَ

أَلَّفَ بَيْنَهُمْ إِنَّهُ عَزِيزٌ حَكِيمٌ ﴿٦٣﴾

Maksudnya: “Dan Dialah juga yang menyatupadukan antara hati mereka (yang beriman itu). Kalaulah kamu membelanjakan segala (harta benda) yang ada di bumi, nescaya kamu tidak akan dapat menyatupadukan hati

mereka. Akan tetapi, Allah telah menyatupadukan hati mereka. Sesungguhnya Dia Maha Perkasa lagi Maha Bijaksana.”

Sesungguhnya persaudaraan yang dimetrai dengan akidah Islam adalah merupakan ikatan yang paling kuat. Mereka yang hidup di bawah naungan kasih sayang dan persaudaraan semata-mata kerana Allah sahajalah yang dapat merasai kebahagiaan dan keselesaan diri. Betapa ramai manusia yang berkumpul atas maksud yang berlainan seperti perniagaan, politik dan sebagainya tetapi sukar membina perpaduan di antara mereka kerana masing-masing mempunyai matlamat dan maksud yang berbeza-beza.

SIDANG JEMAAH YANG DIRAHMATI ALLAH,

Mahabbah (مَحَبَّةٌ) (kasih sayang) dan ukhuwah (persaudaraan) terjalin apabila ziarah dilakukan. Anak-anak mendekati ibu bapa, orang muda ingat kepada orang tua, orang sihat menziarahi yang sakit, orang kaya menziarahi orang miskin dan jiran tetangga kunjung mengunjungi. Ziarah juga membawa kegembiraan kepada mereka yang diziarahi seterusnya memberi peluang untuk bertanya khabar, mengeratkan hubungan silaturrahim serta saling mendoakan.

Selain itu, amalan ini pada masa yang sama dapat memberi ruang kepada manusia untuk menginsafi diri dan tidak bersikap individualistik. Perasaan takabbur dan sombong harus dibuang kerana nikmat yang dimiliki adalah anugerah yang patut disyukuri dan dikongsi bersama.

SIDANG JEMAAH YANG DIRAHMATI ALLAH,



Dalam merealisasikan amalan ziarah menziarahi ini, umat Islam perlulah mengambil berat beberapa perkara dalam adab ziarah antaranya ialah:

Pertama: Amalan ziarah hendaklah disertai dengan niat yang baik iaitu untuk mencari keredhaan Allah dengan mengeratkan silaturrahim atau ukhuwah.

Kedua: Ziarah dengan hati yang ikhlas iaitu tidak mengharapkan balasan dan pulangan. Sekiranya tuan rumah yang diziarahi tidak mempunyai sesuatu untuk dihidangkan, kita tidak sewajarnya bersama muka dan menyebarkan berita ini kepada orang lain. Bahkan kita seharusnya berbaik sangka.

Ketiga: Tidak bercakap sesuatu perkara yang menimbulkan rasa tidak senang hati terhadap tuan rumah yang diziarahi dan perkara-perkara yang menyimpang daripada syariat Islam seperti mengumpat, fitnah, mengadu domba dan sebagainya.

SIDANG JEMAAH YANG DIRAHMATI ALLAH,

Rumusan yang dapat diambil melalui khutbah hari ini ialah:

Pertama: Amalan ziarah menziarahi adalah satu tuntutan agama dan ia perlu diteruskan terutamanya di bulan Syawal yang mulia ini.

Kedua: Ziarah dapat membentuk persaudaraan dan perpaduan di kalangan umat Islam.

Ketiga: Ziarah dapat memecahkan tembok yang menjadi penghalang kepada perpaduan.



Keempat: Ziarah termasuk di dalamnya amal kebaikan dan dijanjikan ganjaran yang besar daripada Allah.

Kelima: Ziarah akan diberkati dan dirahmati Allah jika adab-adabnya dapat dipatuhi.

Firman Allah **سُبْحَانَهُ وَتَعَالَى**:

لَا خَيْرَ فِي كَثِيرٍ مِّنْ نَّجْوَاهُمْ إِلَّا مَنْ أَمَرَ بِصَدَقَةٍ أَوْ مَعْرُوفٍ أَوْ إِصْلَاحٍ بَيْنَ النَّاسِ وَمَن يَفْعَلْ ذَلِكَ ابْتِغَاءَ مَرْضَاتِ اللَّهِ فَسَوْفَ نُؤْتِيهِ أَجْرًا عَظِيمًا ﴿١١٤﴾

Maksudnya: “Tidak ada kebaikan pada kebanyakan bisikan mereka kecuali bisikan daripada orang yang menyuruh bersedekah atau berbuat kebaikan atau mendamaikan antara manusia. Dan sesiapa berbuat demikian kerana mencari keredhaan Allah, maka kelak akan Kami berikan pahala yang besar kepadanya.” ﴿Surah an-Nisa’ ayat 114﴾

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ،
أَقُولُ مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ،
فَاسْتَغْفِرُوهُ، إِنَّهُ هُوَ الْغَفُورُ الرَّحِيمُ



Khutbah Kedua Bulan April

2024M/ 1445H

الْحَمْدُ لِلَّهِ عَلَى آلائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعَظِيمًا لِسَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا
حَكِيمًا:
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا

﴿الأحزاب: 56﴾

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ أَعِزَّ الْإِسْلَامَ وَالْمُسْلِمِينَ، وَدَمِّرْ أَعْدَاءَكَ أَعْدَاءَ الدِّينِ وَانْصُرْ مَنْ نَصَرَ
الدِّينَ، وَاخْذُلْ مَنْ خَذَلَ الْمُسْلِمِينَ، وَأَعْلِلْ كَلِمَتَكَ إِلَى يَوْمِ الدِّينِ.



اَللّٰهُمَّ اَنْصُرْ اِخْوَانَنَا الْمُسْلِمِيْنَ وَالْمُجَاهِدِيْنَ وَالْمُسْتَضْعَفِيْنَ فِيْ فَلَسْطِيْنَ وَفِيْ كُلِّ
مَكَانٍ، اَللّٰهُمَّ ثَبِّتْ اِيْمَانَهُمْ وَاَنْزِلِ السَّكِيْنَةَ فِيْ قُلُوْبِهِمْ وَوَحِّدْ صُفُوْفَهُمْ.

اَللّٰهُمَّ وَفِّقْهُمْ لِمَا فِيْهِ عِزُّ دِيْنِكَ وَنَصْرُ شَرِيْعَتِكَ، اَللّٰهُمَّ اجْعَلْهُمْ هُدًى مُّهْتَدِيْنَ
صَالِحِيْنَ مُصْلِحِيْنَ وَاَشْمَلِ اَللّٰهُمَّ بِعِنَايَتِكَ وَتَوْفِيْقِكَ عَلٰى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan
Agong, Sultan Ibrahim dan Kebawah Duli Yang Maha Mulia Seri
Paduka Baginda Raja Permaisuri Agong, Raja Zarith Sofiah.

وَكَذٰلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul
Razak, Yang di-Pertua Negeri Pulau Pinang.

اَللّٰهُمَّ اِدْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزَّنَا وَالزَّلَازِلَ وَالْمِحْنَ وَسُوءَ
الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِيْنَ
عَامَّةً يَا رَبَّ الْعَالَمِيْنَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta dapat mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP).

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara.



رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾ فَادْكُرُوا اللَّهَ الْجَلِيلَ
يَذْكُرْكُمْ، وَاشْكُرُوا عَلَىٰ نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾

